



Comhad Idirinstiúideach:
2016/0359(COD)

9170/1/19
REV 1 ADD 1

CODEC 1052
JUSTCIV 119
EJUSTICE 64
ECOFIN 483
COMPET 389
EMPL 264
SOC 356

NÓTA MAIDIR LE MÍR "I/A"

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Draft DIRECTIVE OF THE EUROPEAN PARLIAMENT AND OF THE COUNCIL on preventive restructuring frameworks, on discharge of debt and disqualifications, and on measures to increase the efficiency of procedures concerning restructuring, insolvency and discharge of debt, and amending Directive (EU) 2017/1132 (Directive on restructuring and insolvency) (first reading) - Adoption of the legislative act - Statement

Ráiteas ón bPortaingéil

Admhaíonn an Phortaingéil nach bhfuil dóthain solúbthachta i dtéacs an togra le haghaidh Treoir ó Pharlaimint na hEorpa agus ón gComhairle maidir le creatáí um athstruchtúrú coisccheach, dara deis agus bearta chun éifeachtúlacht nósanna imeachta athstruchtúraithe, dócmhainneachta agus urscaoilte a fheabhsú agus lena leasaítear Treoir 2012/30/AE chun cead a thabhairt do na Ballstáit catagóirí sonracha fiachais a eisiamh ó urscaoileadh fiachais, nó chun srian a chur ar rochtain ar urscaoileadh fiachais nó tréimhse urscaoilte níos faide a leagan síos ina mbeidh údar cuí le heisiamh, srianta nó tréimhsí níos faide den sórt sin.

De réir mar a thuigeann an Phortaingéil, féadfaidh na Ballstáit forálacha a choinneáil nó a thabhairt isteach lena n-eisiatar nó lena gcuirtear srian ar rochtain ar urscaoileadh fiachas cánach, ní hamháin toisc go meastar go bhfuil údar cuí le bearta den sórt sin de bharr chineál speisialta na bhfiachas cánach, ach freisin toisc go mbeadh gá le bunús dlí sonrach éagsúil, faoi réir nósanna imeachta reachtacha speisialta, mar a fhorordaítéar sa Chonradh ar Fheidhmiú an Aontais Eorpaigh, le haghaidh ghlacadh reachtaíocht de chuid an Aontais ag a mbeadh tionchar ar chánacha láimhdeachais, dleachtanna máil agus foirmeacha eile cánachais a íoc.

Agus é sin á chur san áireamh, ba mhaith leis an bPortaingéil an seasamh sin a fhorchoimeád i ndáil le rialáil na rochtana ar urscaoileadh fiachas cánach agus an Treoir a thrasuí.
